

諭以伐宛之威

師古曰風讀曰諷

宛王蟬封與漢約歲獻天馬

二匹漢使采蒲陶目宿種歸天子以天馬多又外國使

來衆益種蒲陶目宿離宮館旁極望焉

師古曰今北道諸州舊安定北

地之境往往有目宿者皆漢時所種也

自宛以西至安息國雖頗異言然

大同自相曉知也其人皆深目多須頰善賈市爭分銖

貴女子女子所言丈夫乃決正其地皆絲漆不知鑄鐵

器及漢使亡卒降教鑄作它兵器

師古曰漢使至其國及有亡卒降其國者

皆教之也得漢黃白金輒以為器不用為幣自烏孫以西至

安息近匈奴奴嘗困月氏

師古曰困苦也

故匈奴使持單于

一信到國國傳送食

師古曰言畏之甚也食讀曰飢

不敢留苦

師古曰不敢留